


續日本後紀 二十


和書門			
類	號	函	架
六	一	二	二
○	二	○	二

內閣文庫	和書類
二六號	二〇冊
一三架	一三函

內閣文庫	
番號	和 26
冊數	20 (20)
函號	137 134

十





皇朝詩林卷之二

續日本後紀卷第二十一 建二年正月盡三月廿一日

太政大臣從在臣藤原朝臣良房等奉勅撰

三年春正月庚辰朔終日雨降先是去月廿

九日亦大雨雪因停朝賀天皇御紫宸殿宴

侍從已上賜御被 壬午地震 癸未北風

切吹自雲紛紛天皇朝觀太皇太后於冷然

院親王以下飲宴酣樂賜祿有差須臾天

皇降殿於南階下端笏而跪召左大臣源常

續日本後紀卷第二十一

朝臣右大臣藤原良房朝臣 勅曰被太后
命備吾康深宮之中未嘗見我帝御輦之儀
今日事訖階下登輿使得相見者朕再三固
辭遂未得命於卿等意如何大臣等奏云札
敬而已如命而可天皇即登殿至御簾前北
面而跪于時寄鳳輦於殿階天皇下殿御輦
而出左右見者攬淚命曰 天子之尊北面
跪地孝敬之道自天子達庶人誠哉 乙酉

聖躬不豫 丙戌不御紫宸殿勅命左右大
臣行事不奏女樂詔授四品忠良親王三品
正四位下源朝臣融從三位從四位下藤原
朝臣良相從四位上從五位下義志真王從
五位上正六位上並野王嗣岑王並從五位
下正五位下滋野朝臣貞雄藤原朝臣氏宗
並從四位下從五位上藤原朝臣貞守攝朝
臣真直並正五位下從五位下藤原朝臣並

藤文室朝臣貞室橘朝臣海雄良岑朝臣宗
貞並從五位上外從五位下山代宿祢氏益
伴宿祢宗春日臣雄繼讚岐朝臣高作正六
位上源朝臣類橘朝臣信蔭橘三夏藤原朝
臣北雄橘朝臣未茂橘朝臣門雄百濟王教
福春原朝臣未繼紀朝臣貞守丹墀真人棟
臣田口朝臣統範南洲朝臣弘繼文室朝臣
雄道藤原朝臣顯基伴宿祢主雄桑田真人

虎吉粟田朝臣碓雄山口朝臣春方並從五
位下正六位上清村宿祢是嶺栗田連安岑
西漢人宿人並外從五位下宴竟賜祿有差
丁亥於天極殿修最勝會叙死位伊勢朝
臣与子從五位上死位平朝臣可賀子藤原
朝臣原福並從五位下甲午外從五位下
名草宿祢實成爲大外記從五位下桑田真
人虎吉爲造酒正從四位下清原真人長田

爲彈正、大弼、從五位下、紀朝臣、貞守爲左馬
助、參議、從四位下、藤原朝臣、長良爲兼伊勢
守、左衛門、皆如故、從五位下、南淵朝臣、年名
爲尾張守、從五位上、丹墀、真人、石雄爲武藏
守、從五位下、丹墀、真人、棟臣爲上総、又從五
位下、紀朝臣、好雄爲表濃、又四品本、康親王
爲上野、太守、從五位下、藤原朝臣、北雄爲下
野、又從五位下、藤原朝臣、世數爲越後守、從

五位下、當麻、真人、鴨繼爲兼又待醫、如故、從
五位上、安倍朝臣、長谷爲丹波守、從五位下
坂上、大宿祢、貞守爲祖馬、又從五位下、笠朝
臣、岑雄爲石見守、從四位下、長岑、宿祢、高名
爲播磨守、從五位下、出雲朝臣、岑繼爲又正
五位下、藤原朝臣、貞守爲兼倫前、又式部少
輔、如故、從四位上、源朝臣、安爲倫中守、從五
位上、文室朝臣、真室爲紀伊守、從四位上、源

續日本後紀二十
朝臣多爲阿波守從五位下橘朝臣岑雄爲
又從四位上源朝臣冷爲讚岐守從五位下
橘朝臣安吉雄爲伊豫權公三品葛井親王
爲太宰帥從五位下南洲朝臣弘繼爲肥前
守從五位下常道真人兄守爲豐前守外從
五位下出雲朝臣全嗣爲又從五位下賀茂
朝臣弟岑爲豐後守從五位下嗣岑爲日向
守ト未垂御簾覽踏歌也宴侍從已上賜

禄有差 丙申天皇不御豐樂院勅遣大臣
行射札 己亥此日內宴也緣聖躬不豫不
御仁壽殿於清涼殿垂御簾覽舞妓大臣已
下文人已上陪宴日暮賜禄有差 辛丑奉
殺攝津國豐嶋郡阿比大神從五位下 壬
寅地震 己未如聞頃來盜賊爲群黎毗
被害或暗中放火或白晝棟入其令左右京
職及五畿內諸國司取明舊章速搜捕若致

誓懦准法科責 丙午勅鎮國家攘疫癘佛
 力頼之宜令五畿内七道諸國修灌頂經法
 巳酉有如流星者經天落東其大如月光
 色赤青 二月庚戌朔聖躬不豫皇太子侍
 殿上公卿盡候 辛亥勅四品安勅内親主
 依願令入道宜封户及帳内資人品田散公
 但无品本封帳内資人依舊行之 壬午介
 遣六衛府佐已下覬補京中群資又令左近

衛各十人巡檢東西有勅封户百烟特給源
 朝臣良姬 甲寅御病殊劇召皇太子及諸
 大臣於床下令受遣制遣四衛府及内監等
 或賚御衣或賚綿布分散四方誦經諸寺左
 右馬寮御馬六疋奉鴨上下松尾等名神於
 諸鷹鳥犬及龍鳥唯留鸚鵡又下知近江國禁
 諸殺生縁梵釋等修延命法故也諸僧細十
 椀師及有驗者於御簾外令奉加持以綰十

二疋為續命幡懸十二大寺刹左右馬寮名
 調走馬十疋候於八省東廊下是日諸衛府
 警固シ知御體疲殆衆僧入於御簾中繞
 御床而奉加持 丙辰使告御病狀於栢原
 山陵宣命曰天皇 我詔旨止掛畏支栢原乃
 御陵尔申賜倍申久頃者御病發ヲリ天惱苦比
 大坐源掛畏御陵乃護助賜波无依天平久
 御坐倍之所念行天奈毛奏議左兵衛督從四

位上藤原朝臣助從四位下右馬頭藤原朝
 臣春津等乎差使天奉出源此狀乎閉食天
 御體乎安不宝祚無動久護賜比矜賜倍恐
表恐毛申賜久申 是日大法師真頂与北
 山近士觀善特入御簾中奉加持觀善折言曰
 御病不除不更起坐不復飲食 戊午分遣
 内監誦經諸寺各綿一連為布施 己未遣
 使賑卹京中貧民 壬戌以綿七十屯誦經

京邊七箇寺。甲子請名僧六十口於紫宸殿限三箇日轉讀般若經。又請天台宗座主前入唐請益傳燈大法師位圓仁及定心院十禪師等於仁壽殿令修文殊八字法。乙丑陸奧出羽按察使從四位下藤原朝臣富士麻呂卒高野天皇參議從三位式部卿巨勢麻呂朝臣之曾孫從五位上真作之孫正五位下村田之第二子也。少遊大學頗涉

史漢天性溫雅兼便弓馬天皇在東宮之時稍蒙恩遇天長十年正月任少進尋遷右近衛權將監同年二月天皇受禪踐祚即叙從五位下轉任少將養和四年正月兼阿波公九年正月叙從五位上七月叙正五位下轉任中將十二年正月叙從四位下久在宿衛能得士卒之歡心天皇謂有將帥之才十三年出爲陸奧出羽按察使起任日天皇引於

清涼殿恩詔鄭重賜被衣并綵帛有數嘉祥
二年冬有勅還京三年春疽發背率人皆悲
惜之時年亦七丁卯讀經竟布施有差又
施度者各一人戊辰太皇太后憂念天皇
之餘悶絕數數中使問起居者相望於道
庚午地震辛未以三論宗少僧都實敏法
相宗大法師明詮天台宗大法師光定總持
門太法師圓鏡等為座主於清涼殿限三箇

日講法華經諸宗大德翹堯者三四人預席
發揚大義各持矛楯天皇隔御簾而聽之
甲戌死品秀子內親王薨嵯峨太上天皇之
皇女今上之同產也遣兵部大輔從四位上
豐江王木土頭從四位下與世朝臣書生右
京亮從五位上橘朝臣枝主左京亮從五位
下飯高朝臣永雄等監護喪事丙子遣使
誦經京城四十九寺各綿一連為布施又以

續命幡四十旒各懸刹柱限三箇日修延命之法又於豐樂院命真言宗修護摩法勅攝津國荒廢田陸拾壹町爲冷然院田三月巳卯朔辛巳散位從四位上大中臣朝臣淵魚卒故南朝右大臣正二位清曆朝臣之孫正五位下繼曆之第三男也大同四年有勅以功臣之後叙從五位下弘仁六年任神祇大副厥後稍經階級登于四位即轉伯尋

兼攝津權守天長十年叙從四位上兼和十年上表致仕立性謹密暗練神事自弘仁六年至兼和九年都於八箇年兼掌伊勢太神宮祭主自卧家園不廁人物幽閑送日茶餅待終時年七十七癸未地震請名僧百口於紫宸殿限三箇日轉讀大般若經丙戌百僧歸却布施有差又施度者各一人遣使誦經兩京及畿内近江丹波等國一百寺各

綿一連為布施又圖畫帝釋像百鋪安置件
百箇寺各以兼和錢一千文為燈料此日織
部司言元來無印行事有妨勅鑄造充之
戊子遣使誦經京城七箇寺已丑令大法
師道詮等請戒主上口受永生殺後修理
破壞寺百院復遣使誦經十三大寺庚寅
鈴印櫃鳴聲如振膳部八人之履共為鼠啮
又内印印盤褥為鼠喫乱壬辰卜食申拍

原山陵告崇仍遣使奉宣命曰天皇我大命
掛畏柏原乃御陵尔申賜倍申久頃間物
恠在尔依天卜求波掛畏御陵為崇賜倍利
申利因茲恐畏已死波若御陵内尔犯穢
留事也毛在止令巡察死為毛叅議從四位上
行左兵衛督藤原朝臣助從四位下行官内
大輔房世王等乎差使天奉出原此狀乎聞
食天御體平安尔寶祚无軌久護賜止矜賜

倍毛恐毛申賜久申久甲午復奉宣命曰天皇我
 止大命止掛畏岐拍原乃御陵尔申賜倍申久
 頃間御占申尔為崇賜尔倍留天依天使臣平奉
 出元令巡察留御陵内尔砥樹留事在氣此
 乍聞食恐畏尔御陵司等波法隨尔勤
 賜比御陵守等波替退賜已訖奴是以參議
 從四位上行左兵衛督藤原朝臣助民部大
 輔從四位下基兄王等平差使天申謝奉出

此狀乎聞食天天皇朝廷乎御體平安尔寶
 柞无動久護賜比矜賜倍恐毛申賜久
 申此日御體綿綿事極属續諸名僧等持兒
 誓願五輪投地不暫休息左右非違獄中人
 除盜之外悉從放免止未遣固關使右中
 弁從四位下藤原朝臣氏宗散位從五位下
 御春朝臣真濱為近江國使散位從五位下
 藤原朝臣菅雄為美濃國使右衛門權佐從

五位下藤原朝臣春丑散位外從五位下上
毛野朝臣綱主爲伊勢國使正五位下行式
部少輔兼備前次藤原朝臣貞守爲左右兵
庫使殊令賚御衣亦餘襲綿三百屯馳使誦
經諸寺丙申配流人和氣朝臣齊之讚岐朝
臣永直特聽入京餘並配近國豐後權守從
五位下登幾真人直名紀伊守從五位下伴
宿祢龍男等皆從放免丁酉於清涼殿修

七佛業師法畫七佛像懸御簾前七重輪燈
立於庭中徙於紫宸殿南庭新度十人先是
有詔度五百人是日天皇浴饒入道誓受清
戒四品中務卿宗康親主從四位上阿波守
源朝臣多同時入道並天皇之皇子也時
人莫不悲之己亥地震帝崩於清涼殿時
春秋亦一諸衛府禁衛嚴密左右近衛少將
各一人率近衛等陳於皇太子直曹奏議從

四位上左兵衛督藤原朝臣助彥左右近衛
少將將曹等賈天子神璽宝劔符節鈴等奉
於皇太子直曹從四位下藤原朝臣衛監左
馬寮從四位下清原真人龍雄監左馬寮散
位從五位下小野朝臣千株少納言從五位
下懸太養宿祢氏河監鈴印櫃皇太子御輦
車廻於東宮左右大臣已下導從六衛府陣
列如行幸之儀 庚子任御葬司 事具 辛
長案


丑左右近衛陳着鎧甲 嵯峨太皇太后依
病入道 癸卯奉葬 天皇於山城國紀伊
郡深草山陵遺制薄葬綾羅錦繡之類並以
帛布代之鼓吹方相之儀悉從停止 帝穀
哲聰明苞綜衆藝最耽經史講誦不倦能練
漢音辨其清濁柱下漆園之說群書治要之
流凡厥百家莫不通覽兼愛文藻善書學淳
和天皇之草書人不能別也並工片射屢御

射場至鼓琴吹管古之虞舜漢成兩帝不之
過也留意醫術盡諸方經當時名醫不敢抗
論帝嘗縱容謂侍臣曰朕年甫七齡得腰結
病也八歲得膈下絞痛之病尋患頭風加元
服後三年始得胸病其病之爲體也初似心
痛稍如錐刺終以增長如刀割於是服七氣
丸紫苑生薑等湯初如有効而後雖重劑不
曾効驗冷泉聖皇憂之勅曰予昔亦得此病

衆方不効欲服金液丹并白石衆醫禁之
不許予猶強服遂得疾愈今聞所患非草茱
之可治可服金液丹若詢諸俗醫醫巫等必駁
論不音且喚海淡海子細論問隨其言說服
之度奉勅旨服茲丹茱果得効驗兼爲救解
古堯設自治之法世繼良醫倉卒之變可畏
故也今至晚節執發多變救解有煩世人未
知朕躬之本病上皇之勅旨必謂妄服丹茱

兼絕自治而敗焉。且記由來。今免此。極恭道。詔旨記而載之。帝從少小聖體。尅羸然而。肩宸之年。既登十八仙齡之筭。亦踰四十求諸中古。應无勲德。蓋由俊善行仁。服食補養之力者歟。

續日本後紀卷第二十



大尾

書坊

林和泉掾板行

松栢堂

